

[...] L'apel dla Dlijia ala solidaritè ringhinèsc tl zënter dl vagnele, l'amur por le proscim nes provochèia y nes sfidèia vigni de y te vigni situaziun de nosc ester. Tla pordica dla munt nes trasmèt le Signur la regola d'or: "Döt, ci che i orèis che les porsones ves fejes a os, chël fajedi ince a d'ères! Te chësc stá la lege y i profec" (Mateo 7,12). Chësta regola ciafunse te dotes les gran religiuns, ara vëgn partida da nia cristiagn y nia cherdènc y toca propi pro la esistènza umana. La Dlijia pó ester "te Crist le sacramènt, chësc ó dí le sègn y stromènt dla uniuin plü sota cun Dì y dl'unité cun dōta l'umanité" (Lumen gentium, 1), propi deache ara ciafa te ÈI la forza da i jí do a sūa misciun: "Te deses ti orèi bun al Signur, to Dì, cun döt le cōr y dōta l'anima, cun dōta tūa forza y cun dūc tū pinsiers, y a to proscim sciöche a te instès" (Lc 10,27). La mosōra de chësc amur é so amur: "Chësc é mi comandamènt: Orésse bun un al ater sciöche iō ves á orū bun" (Jan 15,12). Crist, che se scinca a nos sōla crusc, é la fondamènta y la mosōra de nosc amur: Sèise solidai! [...]

(traduziun Pablo, La Usc di Ladins)

1 enformaziuns y termins

KVV: le KVV envieia ala 51^a encuntada dai vedui, vedues y porsones sores en domegna, ai 31 de merz tal Forum a Porsenú: ales 9:30 santa messa con sig. Josef Stricker, dedò referat de Rudi Gamper: "Sag einfach danke!" Domisdé aorela cōrta con le grup de teater de Santa Cristina. Enformaziuns y prenotaziuns cina ai 27 de merz pa Rosa de Scionele, ☎ 0474 501629.

Pelegrinaje: l'Uniuin dles Eres catoliches da Balsan envieia dotes les eres en sabeda ai 30 de merz al pelegrinaje d'aisciōda sōn Jenn. Por cōsc de organizeia le decanat da Sanciana na coriera co peia demez dala staziun dles corieres da Bornech ales 13:00. Se prenoté preitambel pa Margareth, ☎ 0474 913140 o 348 8107183.

Patrones de Mareo: les Patrones oraniseia en curs de pilates y condiziun con Marta Willeit, por 10 encuntades dagnora de dedolōnesc. La prōma sará ai 2 d'aorí ales 20:00 te palestra de scora. Enformaziuns y prenotaziuns da Marta, ☎ 339 7384558.

Raiun Sozio-Sanitar: l'ofize dla "Portina por l'assistenza y cura", tl'alzada a tera dal Raiun Sozio-Sanitar a Picolin é davert da aorí ennant le lōnesc dales 14:00 ales 16:00, le dedemesaledema y la jōbia dales 10:00 ales 12:00, ☎ 0474 586123. Le team enformeia sōn dūc i sorvisc, sōn les poscibilités de sostegn y alisiramont, sōn i aiūc esistenc, i derc y doveis, sōn le sostegn finanziair y i.i. y deida fá de vigni sort de domandes y atres pratiches burocratiches.

Ocio/1: le **Comun de Mareo** lascia alessei che la strada Plan dal Ega romagnarà slūta a pié ia dai 21 de merz por 6 edemes por laurs de sistemaziun.

Ocio/2: le **dotur Edo Agreiter** lascia alessei che al sará demez la jōbia ai 28 de merz domisdé y le vendres ai 29 döt le de.

Döt le bun a: Maria Feichter Clara, Antermeia * 26.03.1944
y a dūc chi co á santennom y complesc i agn cōst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

24.03.2019 - Terza domegna de Carsema

n. 17

Dede ota! Deache le regn de Dio é dampró.

📖 Es 3, 1–8°:13–15 | 1 Cor 10, 1–6.10–12 | Lc 13, 1–9

Dal Vangelo do San Lūca:

¹Te chel tomp n'él gnū n valgūgn da Gejú y ti á cunté de chi galilés che Pilatus á lascé copé dertan l'oferta, tan che so sanch s'á moscedé con chel dai tiers che gnea ofrís. ²Al ti á dit: Mineise os, che ma chi galilés sii stés piciadus deach'ara ea sozedūda ensciō empara, y dūc i atri galilés no? ³Na, al contrar: i moriareis avisa ensciō, sc'i ne se convertiareis nia. ⁴O chi dejedot, co é gnūs copés dala roina dla tor de Sciloah – mineise che ma chi s'ais ciarié ados na colpa y dūc i atri abitanc de lerúsalem no? ⁵Na, al contrar: Os dūc moriareis avisa ensciō, sc'i ne se convertiareis nia. ⁶Y al ti á cunté cōsta parabola: N el á n len da fighi te sōa vigna; y canch'al ea gnū a ciaré do sc'al portâ frūc, nen n'ál ciáfé degūgn. ⁷Danló ál dit a so vignadú: sen vegni belo trei agn alalungia a ciaré do sce cōsc len porta frūc y i nen ciafi degūgn lassora. Mázele ia! Ciodi déssel pa ti tó ennant la forza ala tera? ⁸Le vignadú ti á respognū: Láscele ciamó empé cōsc ann; i ô sapé sō la tera enceria y l'enculté. ⁹Forsc portel empó ciamó frūc; sce nia, láscele spo mazé ia.

Oraziun dal de

Periun! Dio, nosc Pere, fontana dla misericordia y dla bunté, i sun piciadús dan da te y nosta coscionza nes encolpeia: ciara sōn nosta meseria y láscesse ciáfé pordonn con la penitonza, l'oraziun y les opres de ciarité. Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por dūc i secui dai secui. – Amen.

(Lezionar C)

Vire la Carsema

Lc 13, 1–9

Láscele... i ó sapé sō la tera enceria y l'enculté. Forsc...

Impuls:

I ó desmostré pazionza, impegn y creta por daidé arjigné ca n bun terac encer nos ia ...

📖 *Letōres dla Cuarta domegna de Carsema "Laetare":*
los 5, 9°:10–12 | 2 Cor 5, 17–21 | Lc 15, 1–3.11–32

Edema liturgica dai 24.03. ai 31.03.2019

DOM 24.	Terza domegna de Carsema de de solidarieté por la patronat ACLI-KVW	<i>Eliás, Oscar Romero, Caterina, Simon</i>
08:30	gran messa por dōta la ploania <i>oferta por i debojügnis dla ploania</i>	
14:00	funziun dal Bato de Marcel Ploner	
10 y 18	s.m. a Al Plan	
Lön 25.	GRAN FESTA DL'ANUNZIAZIUN DAL SIGNUR , Annunziata	
→ 19:30	s.m. de rengraziamont en onú de Santa Maria dal Bun Consei	
Ded 26.	<i>Larissa (Lara), Tecla</i>	
→ 07:45	s.m. dai scolari por les Püres Armes s.m. por vis y defonti dla fam. Brandlechner, Sotró	
Dem 27.	<i>Haimo, Frowin</i>	
→ 19:30	les Staziuns con l'Uniun dai Ei	
Jöb 28.	<i>Guntram, Wilhelm, Ioana</i>	
19:30	s.m. dai crejimandi por † Emma Frontull ved. Ellecosta s.m. por † Rosina Thöni y por †† Anna y Leopold Erhard s.m. por les Püres Armes	
Ven 29.	<i>Helmut, Wilhelm, Ludolf</i>	→ astinonza dla cern
→ 19:30	oraziun da Taizé	
Sab 30.	<i>Diemut, Roswita</i>	
18:00	s.m. prefestia a Al Plan	
19:30	s.m. prefestia por † Tone Daverda, Ierghele s.m. por † Heinrich Erlacher, Tomele s.m. por les Püres Armes	
DOM 31.	Cuarta domegna de Carsema "Laetare"	<i>Cornelia, Guido, Beniamin</i>
08:30	gran messa por dōta la ploania	
ora da disté!	<i>oferta por le Kassian-Tschiederer-Werk</i>	
10 y 18	s.m. a Al Plan	
ampola:	por fam. Daverda	
ministronc:	▶ da doman y domegna: Andreas y Armin ▶ da sera y domegna: Rudi y David	
i recordun:	Sr. Ludovica, Notburga Mühlmann, <i>Balsan</i> + 29.03.2014 Maria Kehrer, <i>Porsenú</i> + 30.03.2012	



Somené la speranza (Lc 13, 1-9)

I ponsi do

Dio s'aspeta da nos y da nosta vita de bogn früc. Les intenziuns y i proponimonc ne basta nia, al ô ester aziuns reales y sonzieres. Mo el á na gran pazionza. Al tól na "coltöra" speziala, fata de speranza y de coraji, co se dá tomp da gní miús y da müdé les cosses fates mal te nosta vita.

I preii ensciö

Gonot sunse desco chel len da fighi öt y zonza früc. Tö nes das tan de poscibilités por fá atramonter, mo i ne branciun nia do. Te s'aspetes con pazionza, y nos ne n'aprofitun nia. Te s'emplesces d'amur y de amizia y nos ne s'anadun gnanca. I ti ciari al monnn y i veighi ch'i sun tan püch reconoscionc. Sce tö fajess desco nos, tan zonza pazionza y plens de büsia, fósson düc a tera y desdrüc. Mo tö es tan bun, Signur. I te preii, aspeta ciamó empü', dásse ciamó tomp y con l'aiüt de töes scincundes sarunse bogn da fá val' de bun y de bel te nosta vita ...

La storia de Noé cuntada ai mituns (11)



Oraziun

Bun Dio, canch'i veghi l'anterbanch sö a ci, ôi ponsé a Noé y al gran diluve. I ô ponsé ci spaont ch'al é sté, canche t'as lascé plöei caranta dis y caranta nets. I ô ponsé che t'as eniert sce la jont fej de mal y n'ascuta nia töa parora. Bun Dio, iu n'ô nia che t'ai la ria löna, iu o proé da ester pros. Iu ô ponsé ales parores de Gejú, to Fí, co a dit: „Oresse bun!“

Iolan, Beldio, dal gran anterbanch da corusc y de dōtes les porsones y i tiers! La tera é bela y demorveia. - Amen



Vita de ploania y de paisc



"I te cherdì con to ennom" dij le Signur.

La ploania d'La Pli tol sö con ligreza te söa comunité **Marcel Ploner** (La Pli) y ti fej les miús aodanzes ai geniturs Filip y Manuela: che Marcel pói cresce tla fede, vire tla speranza y sperimenté l'amur de Chelbeldio y dla jont.

- **Dis dles pissies da Pasca:** dedolönesc ai **9 d'aorí** por les Eres, jöbia ai **11 d'aorí** por i Ei, vendres ai **12 d'aorí** por i scolari dla elementara (danmisdé) y por i scolari dla mesana (do scora), sabeda ai **13 d'aorí** por la Joneza.
- **Schira Jonila y i Ministronc dla Val Badia:** por düc i grups dla Val Badia vegnel motü da jí en Lönesc de Pasca ai **22 d'aorí** en **iade a Gardaland**. Enformaziuns y formulars por se scrí ete é da ciaté te plates motüdes fora sön i pici altés.